

古今聲律定宮

歷代聲律定宮卷四

東陽葛 銘警堂

曲調

古樂詩曲  
宋樂歌曲

黃鐘一均  
徵調商調

清商三調  
祥聲送聲

唐樂歌曲  
製曲度曲

古樂詩曲

禮記樂記寬而靜柔而正者宜歌頌廣大而靜疏通而信者宜歌大雅恭儉而好禮者宜歌小雅正直而儉靜廉而謙者宜歌風

朱子曰二南房中之樂鄉樂也正雅朝廷之樂也商周之頌宗廟之樂也至變雅則衰周卿士之所作言時政之得失邠鄘以下則太史所陳以觀民風非宗廟燕享之所用

也。

顧氏炎武日知錄二南豳七月正小雅鹿鳴至菁莪二十  
二篇正大雅文王至卷阿十八篇周頌詩之入樂者也邶  
鄘以下謂之變風鵲鴉以下亦謂之豳六月以下附於小  
雅民勞以下附于大雅而謂之變雅詩之不入樂者也  
詩疏變者雖播于樂或無算之節所用或隨事類而歌又  
在制禮之後樂不常用

鄭氏康成詩譜大小雅用于樂國君以小雅天子以大雅  
然而饗賓或上取燕或下就何者天子享元侯也牧伯歌肆  
夏頌合文王雅大享諸侯歌文王雅大合鹿鳴雅小諸侯于鄰國

之君與天子于諸侯同天子諸侯燕羣臣及聘問之賓皆

歌鹿鳴

小雅

合鄉樂

二南

周禮春官鐘師疏燕之用樂與享同故燕禮升歌鹿鳴左

傳晉侯享穆叔為之歌鹿鳴是燕享同樂也

樂以人異不以燕享異

儀禮鄉飲酒禮工四人二瑟

二人鼓瑟二人歌也

升自西階北面坐

工歌鹿鳴四牡皇皇者華

鄉飲酒義所謂升歌三終也

笙入堂下磬南

北面立樂南咳白華華黍

所謂笙入三終也

乃間歌魚麗笙由庚

歌南有嘉魚笙崇邱歌南山有臺笙由儀

所謂間歌三終也

乃合

樂周南關雎葛覃卷耳召南鵲巢采芣采蘋

堂上歌瑟堂下鐘磬合奏

此詩所謂合樂三終也

工告于樂正曰正歌備乃降

朱子儀禮經傳詩樂篇鹿鳴六篇黃鐘清宮調闕睢六篇  
無射清商調註云黃鐘清宮俗呼正宮無射清商俗呼越  
調李氏光地曰儀禮作樂凡四節準此以求則曼擊鳴  
球搏拊琴瑟以詠升歌之樂也下管鼗鼓合止祝敔笙入  
之樂也笙鏞以間間歌之樂也蕭韶九成合樂之樂也

銘按祭祀燕享正樂只此四節故曰正歌備然四節以  
前祭有迎尸之樂享有納賓之樂如尸出入奏陔夏賓  
及庭奏陔夏是也四節以後祭有送尸之樂享有送賓  
之樂如鼓鍾送尸賓醉而出奏陔夏是也至于燕樂緩  
樂夷樂其繼四節而奏者樂更無算矣

國語魯語金奏肆夏繁遏渠注肆夏一名繁昭夏一名遏  
納夏一名渠此三夏曲也 呂氏玉叔曰肆夏時邁也繁  
遏執競也渠思文也 周官義疏繁遏渠肆夏之第二第  
三曲也以執競為繁遏焉有周公制禮而預歌成康者乎  
則時邁等亦非肆夏明矣

上林賦云掩羣雅張揖註小雅之材七十四人大雅之材  
三十一人 閻百詩云小雅除笙詩自鹿鳴至何草不黃  
凡七十四篇大雅自文王至召旻凡三十一篇以篇數言  
也

大戴禮投壺凡雅二十六篇其八篇可歌歌鹿鳴貍首鵲

巢米繁米頻伐檀白駒騶虞八篇廢不可歌七篇商齊可歌也三篇間歌

金氏祖望曰大戴禮以米繁米頻伐檀騶虞為雅左傳楚莊述大武之詩三章曰賚六章曰桓卒章曰武是皆雅頌之失所也

琴操古琴有詩歌五曲曰鹿鳴伐檀騶虞鵲巢白駒

晉書杜夔傳舊雅樂四篇成曲一曰鹿鳴二曰騶虞三曰伐檀四曰文王皆古聲辭及太和中左延年改夔騶虞伐檀文王三曲自作者音節其名雖存而宮聲異惟鹿鳴全不改易每正旦大會羣后行禮東廂雅樂常作者是也

銘按二雅之材一百五而投壺所用者僅二十六篇是時雅猶未亡而八篇已廢不可歌是古樂音節失傳之漸也嗣後古樂之存於漢魏者惟鹿鳴騶虞伐檀文王四篇存于晉者又惟鹿鳴一篇至唐來則并鹿鳴亦非其舊矣音節盡亡而古樂遂不可復惜哉

### 黃鐘一均

通考漢武帝定郊祀之禮乃立樂府樂府之名始此漢郊祀宗廟樂惟用黃鐘一均漢元帝時京房始創六十律至章帝時其法已絕漢章帝時太常丞鮑鄴始旋十二宮至順帝時復廢五代王朴曰自秦而下旋宮聲廢洎東漢



雖有鮑鄴興之亦人亡而音息無嗣續者漢至隋垂十代  
凡數百年所存者黃鐘之宮一調而已

隋書音樂志柱國沛公鄭譯云考尋樂府皆有宮商角徵

羽變宮變徵之名七聲之內三聲乘應

謂徵調角調變徵調

每恒求

訪終莫能通先是周武帝時有龜茲人

按龜茲今西域之庫車也

曰蘇

祇婆善胡琵琶聽其所奏一均之內間有七聲因而問之

答云調有七種以其七調勘校七聲冥若合符就此七調

又有五旦之名以華言譯之旦者則謂之均也其聲亦應

黃太姑林南五均已外七律更無調聲譯達因其所捻琵琶

絃柱相引為均推演其聲更立七均合八十四調旋轉

相交盡皆和合。朱子曰：南北之亂，中華雅樂中絕。鄭譯得之於蘇祇婆，乃自西域傳來。按雅樂必先從中華傳出，西域後又從西域傳入中華。譯請用旋宮，何妄取其不能，遂只用黃鐘一均。

### 清商三調

韓非子曰：師涓為紂鼓新聲，曰清商。六朝宣武時，江南吳歌荆楚西聲，總謂之清商。後魏陳仲孺云：依琴五調，調聲之法，瑟調以宮為主，清調以商為主，平調以角為主。宋書：第一平調，二清調，三瑟調，四楚調，五側調。樂府註：三調，清平側也。杜氏佑通典：清樂者，其始即清商三調是也。並漢氏以來。

與魏三祖所作者皆備于史籍。屬晉朝播遷其音分散。隋平陳後獲之。文帝聽之曰。此華夏正聲也。去其哀怨。考而補之。因置清商署。總謂之清樂。唐武后時猶六十三曲。今其存者有白雪公莫舞巴渝至泛龍舟等三十二曲。明之君雅歌各二首。四時歌四首。合三十七曲。又七曲有聲無詞。上林鳳雛平調清調瑟調平折命嘯通前為四十四曲存焉。從容雅緩。猶有士君子之遺風。自長安以後朝廷不重古曲。能合管絃者惟明之君等八曲。

### 唐樂歌曲

唐書音樂志自周陳而止。雅鄭清雜而無別。隋文帝始分

雅俗二部。至唐更曰部當。凡所謂俗樂者。二十有八調。七

之內三聲乖應只用四聲四七九二十八調

正宮。高宮。中呂宮。道調宮。南呂宮。

仙呂宮。黃鐘宮。為七宮。越調。大食調。高大食調。雙調。小食調。歇指調。林鐘商。為七商。大食角。高大食角。雙角。小食角。歇指角。林鐘角。越角。為七角。中呂調。正平調。高平調。仙呂調。黃鐘羽。般涉調。高般涉。為七羽。皆從濁至清。迭更其聲。其後聲器寢殊。其宮調乃應夾鐘之律。燕設用之後。人失其傳。而更以曲名。故俗部諸曲。悉源流於雅樂。周隋管絃雜曲數百。皆西涼樂也。鼓舞曲。皆龜茲樂也。惟琴工雅傳。楚漢舊聲。及清樂。蔡邕五弄。楚調四弄。謂之九弄。隋亡。清

樂散缺存者纔三十六曲其後傳者平調清調周房中樂  
遺聲也白雪楚曲也公莫舞漢舞也已渝漢高祖命工人  
作也明君漢元帝時作也明之君漢鞞舞曲也譯舞漢曲  
也曰鳩吳拂舞曲也白紵吳舞也子夜晉曲也晉車騎將  
軍沈琬作也團扇晉王嫺歌也懊懷晉隆安初謠也長史  
變晉司徒左長史王廙作也丁督護晉宋間樂也讀曲宋  
人為彭城王義康作也烏夜啼宋臨川王義康作也石城  
宋臧質作也莫愁石城樂工所作也襄陽宋隋王誕作也  
烏夜飛宋沈攸之作也估客樂齊武帝作也楊叛北齊歌  
也驍壺投壺樂也長林歡宋梁間曲也三洲商人歌也採

桑三洲曲工所作也。玉樹後庭花堂堂。陳後主作也。泛龍舟。隋煬帝作也。又有吳聲四時歌。雅歌。上林。鳳雛。平折命。嘯等曲。其聲與辭皆訛矣。

王氏應麟玉海。唐清樂六十三曲。鼓吹七十五曲。儀衛志。唐鼓吹五部。一鼓吹。二羽葆。三饒吹。四大橫吹。五小橫吹。玉海。軍樂有歌。自黃帝始。蔡邕禮志曰。黃帝使岐伯作軍樂。凱歌是也。後世漢魏晉皆有之。唐有其樂而無其辭。柳宗元始為歌詞十二篇。以補其闕。

### 宋樂歌曲

宋史教坊所奏凡十八調。唐二十八調至宋又去其十四十大曲。一曰

正宮調其曲三曰梁曲瀛府齊天樂二曰中呂宮其曲二  
曰萬年歡鈺器三曰道調宮其曲三曰梁州薄媚大勝樂  
四曰南呂宮其曲二曰瀛府薄媚五曰仙呂宮其曲三曰  
梁州保金枝延壽樂六曰黃鐘宮其曲三曰梁州中和樂  
鈺器七曰越調其曲二曰伊州石州八曰大石角其曲二  
曰清平樂大明樂九曰雙調其曲三曰降聖樂新水采蓮  
十曰小石調其曲二曰胡渭州嘉慶樂十一曰歇指調其  
曲三曰伊州君臣相遇樂慶雲樂十二曰林鐘商其曲三  
曰賀皇恩汎清波胡渭州十三曰中呂調其曲二曰六么  
道人歡十四曰南呂調其曲二曰六么罷金鉦十五曰仙

呂調其曲二曰六么彩雲歸十六曰黃鐘羽其曲一曰千秋樂十七曰般涉調其曲二曰長壽仙滿宮春十八曰正平調無大曲小曲無定數不用者有十調曰高宮高大石高般涉越角大石角高大石角雙調角小石角歇指角林鐘角

陳氏陽樂書歌有曲曲有調宮調胡名婆陀力調又名道調婆羅門曰阿脩羅聲也商調胡名大乞食調又名越調婆羅門曰帝釋聲也角調胡名涉折調又名阿謀調婆羅門曰大辨天聲也徵調胡名婆臘調婆羅門曰耶羅延天連也羽調胡名般涉調又名平調移風婆羅門曰梵天聲



也。

書目宋紹興中鄭氏樵撰集古今樂府系之聲樂以三百五十一曲系之風雅聲八十四曲系之頌聲百二十曲系之別聲四百十九曲系之遺聲。

朱子曰古樂只是和後世多以悲恨為佳蓋此事在唐猶有傳者至唐末遂失其傳又曰今之樂皆胡樂也雖古之鄭衛亦不可見矣今闕雉鹿鳴等詩亦有人播之歌曲然聽之與俗樂無異但恐古者用濁聲處多今用清聲處多朱子曰詹元善以管吹習古詩二南七月之屬其歌調却只用太常譜只做得今樂若古樂必不恁地美人聽他在

行在錄得譜子大凡壓入音律只以首尾二字章首一字  
是某調章尾只以某調終之如闕雖闕字合作無射調結  
尾亦著作無射聲應之葛覃萬字合作黃鐘調結尾亦著  
作黃鐘聲應之如七月流火三章皆七字起七字則是清  
聲調末亦以清聲調結之如五月斯螽動股二之日鑿冰  
冲冲五字二字皆是濁聲黃鐘調末亦以濁聲結之

朱子儀禮經傳通解載風雅十二詩譜乃趙子敬所傳云  
是唐開元間鄉飲酒所歌也今舉闕雖三章以概其餘  
闕六工關工雎尺鳩工在合河一之四洲合窈尺窕工淑六  
女一君六子尺好工逌合參六差工荇尺采工左尺右工  
高一高六高尺高工高合高一高四高合高尺高工高六

流尺之六窈上窈尺淑凡女一高寤四寐工求四之合求六  
 之工不尺得工寤高寐上思工服尺悠高一哉上悠一哉四  
 輟六轉高工反凡側六參六差凡苻高菜尺左五右尺采工  
 之六窈高窈上淑尺女高工琴尺瑟高一友高四之一參高四差合  
 苻高菜尺左尺右高一苳尺之工窈合窈高淑尺女高鐘合  
 鼓工樂凡之六

右舊傳無射清商調 應氏樞謙曰：次第五音絕無意義。

無射調以無為君，而以黃起調，義安在乎？  
銘按：此譜起調畢，曲用六字，皆

黃清也。黃清為無射之商，故曰無射清商調。至於鹿鳴六

篇用黃鐘清宮調，朱子嘗譏子敬以黃清為宮，便有相凌  
是也。總之奏音次第，必以五音相生之次，宮徵商羽角相

間成章高下有度皆佐宮而不敢過如均一闕睢之詩以黃鐘起調則歌聲宜下而濁以應鐘起調則歌聲宜高而清近有以字音配律為歌者非也若是則以律隨聲非以律節聲倘首字屬黃鐘次字屬應鐘其聲高下太驟必不和矣有連數字屬一律者又不成樂矣

### 徵調角調

語錄問溫公言本朝無徵音朱子曰不特本朝從來無那徵不特徵無角亦無然亦只是無徵調角調不是無徵音角音如今人曲子所謂黃鐘宮大呂羽這便是調如頭一聲是宮聲尾後一聲亦是宮聲這便是宮調若其中按拍

處那五音依舊都用。如說無徵，只是頭聲與尾聲，不是徵。這却不知其中有甚麼欠缺處。做那徵不成，徽宗嘗令人硬去做，然後來做得成，却只是頭一聲是徵，尾後一聲依舊不是，依舊走了。徐氏景安樂書：唐俗樂合二十八調而無徵調。唐名臣奏趙謹言論：周木德故去商，唐土王請加商調，去角調。宋史：宋徽宗崇寧時，新加徵角二調曲譜，今大晟府刊行。

### 解聲送聲

馬氏縞中華古今注：橫吹，胡樂也。李延年因胡曲更造新聲二十八解。魏晉以來，二十八解不復存。世所用者，惟黃

鶴隴頭出關入關出塞入塞楊柳黃覃子赤之揚望行人  
等一十四曲唐志初隋有法曲其聲清而近雅煬帝厭  
其聲淡曲終復作解音文獻通考李琬為雙流縣丞嘗  
至長安夜聞羯鼓聲曲頗妙謂鼓工曰君所擊者豈非耶  
婆色雞乎雖至精能然而無尾何也工大異之具言所以  
琬曰夫耶婆色雞掘柘急偏解之工如所解果得諧協而  
盡其聲蓋所謂解者如柘枝用渾脫解甘州用結了頭解  
之類是也

唐志樂府奏正曲之後皆有送聲君唱臣和事彰前史今  
以高宗御製雪詩為白雪歌以許敬宗等奏和雪詩為送

聲

製曲度曲

宋史皇祐二年御製明堂樂曲以君臣民事物配屬五音凡二十聲為一曲用二變者天地人四時為七音凡三十聲為一曲以子母相生者凡二十八聲為一曲皆黃鐘為均又以明堂月律五十七聲為一曲皆無射為均又以二十聲二十八聲三十聲為三曲亦無射為均皆自黃鐘轉入無射或當用四十八或五十七聲則如前譜次第成曲其徵聲自同本律

此條製曲

禮記樂記歌者上如抗下如墜曲如折止如橐木倨中矩

勾如鈎、纍纍乎端如貫珠。沈氏筆談：古之善歌者，謂當使聲中無字，字中有聲。凡曲只是一聲，高下清濁如縈纒耳。字則有喉舌牙齒等音，當使字字舉皆輕圓，融入聲中，會轉喚處無磊塊。此謂聲中無字。古人謂之如貫。今謂善度曲是也。宮聲字面而曲或合用商音，則能轉宮為商歌之。此字中有聲也。善歌者謂之內裏聲，不善歌者聲無抑揚，謂之念曲。聲無含蓄，謂之叫曲。此二條度曲。

銘按：古人先有詩而後有樂，樂本不與詩分。後人先有樂而後有詩，詩遂不與樂合。三百篇無非理性情之詩，即無非協聲律之詩。自西漢另立樂府，而唐以前之詩



尚有能入樂者。唐以後之詩，遂不復入樂。此古今詩樂異同之大較也。自來論詩樂者，莫精於虞書詩言志、歌永言聲、依永律和聲數語。蓋歌詩與作詩微異，作詩者一字為一聲，無所增於字之外；歌詩者一唱而三歎，有所溢於字之餘，故於詩僅曰言志，而於歌必曰永言。然歌固足以永其言，而言志之詩要必先按某字宮某字商某字角徵羽，默具自然之節奏，而後被之於歌。五聲乃得而依之，六律乃得而和之，此詩樂之所由合也。後世漢魏間古樂曲調大半淪亡，唐樂所用者二十八調，宋樂所用者一十八調，皆先有其調，其曲而後以其詩。

補之。其歌詩只取首尾二字，壓入音律，而中間之曲宜宮音者，字或羽音，則強羽為宮；曲宜羽音者，字或宮音，則強宮為羽。遂致詩自詩而樂自樂，此詩樂之所由分也。夫古人詩有經，樂有記，宜其亘萬古而不易，乃自秦皇廢四代之廟樂，而古樂之器亡；延年改古詩之音節，而古樂之調亡。沈約撰四聲之韻譜，而古樂之聲亦亡。嗣後唐宋取士，遂僅論平仄二韻，不復論宮徵商羽角之五聲，故其為詩也愈易，而其入樂也愈難。朱子云：今之士大夫，問以五音十二律，無能曉者。要之當立一樂學，使士大夫習之，久後必有精通者出。後之留心復古

者。如欲按五聲七調以為詩。而俾詩樂之分者復合。則  
必先定七音之譜。而朱子當立樂學之說。尤為不易矣。

## 八音總論

虞書舜典八音克諧。李氏光地曰：金石以紀律，樂之綱也。琴瑟應人聲，在堂上。笙管塤，貴人氣，在堂下。樂之用也。鼓鼗祝敔，所以節樂而已。故序其輕重之次，則曰：金石、絲、竹、匏、土、革、木。

虞書益稷：夔曰：「憂擊鳴球，搏拊琴瑟以詠，下管鼗鼓，合止祝敔，笙鏞以間。」陳氏暘曰：「鳴球為石，琴瑟為絲，管為竹，拊鼗鼓為革，祝敔為木，笙為匏，鏞為金。憂擊鳴球，搏拊琴瑟，作之於堂上也。管鼗鼓祝敔，作之於堂下也。」周頌有瞽：「應小田鼓大縣鼓，執磬祝敔，既備乃奏。蕭管備舉，

陳氏暘曰詩之有聲言應田縣鼓與執則革音也言祝  
敎則木音也言簫管則竹音也言磬則石音也不言金與  
土者以石見之不言絲與匏者以竹見之蓋八音之於樂  
一音不備不足以為樂以用言之未有不比音以體言之  
未有不比物然詩書不言土音而易於比坎離獨言岳蓋  
詩書舉七者以見土推用以見體也易舉岳以見七音明  
體以見用也

禮記樂記聖人作為執鼓控柷即祝壎篪此六者德音之  
音也六者聲質然後鐘磬竽瑟以和之六者唱德音於其始鐘  
鐘聲鏗鏗以立號石聲磬磬以立辨絲聲哀哀以立廉竹

聲濫濫以立會。鼓鼙之聲謹。謹以立動。

周禮春官太師播之以八音。金石土革絲木匏竹。李氏  
光地曰。此以成於天地者為貴。故先以金石土。成於動物  
者次之。故繼以革絲。成於植物者又次之。又故繼以木匏  
竹也。蔡氏德晉曰。八音一曰金。為鑪。為鐸。為編鐘。為鐸。  
為鐸。為鐸。為鐸。二曰石。為球。為編磬。三曰土。為埙。為缶。為  
土鼓。四曰革。為鼓。為鼗。為柷。五曰絲。為琴。為瑟。六曰木。為  
柷。為敔。七曰匏。為笙。為竽。八曰竹。為管。為簫。為簫。為簫。  
牘。為箎。為應。為雅。

周禮春官典同。凡為樂器以十有二律為之。度數以十有

二聲為之齊量。劉氏彝曰：黃鐘之長，用之以起五度，則樂器脩廣之所資；黃鐘之容，用之以起五量，則樂器深闊之所賴；黃鐘之重，用之以起五權，則樂器輕重之所出；黃鐘之積，用之以起五數，則樂器多少之所差；黃鐘之氣，用之以起五聲，則樂器宮商之所祖。是以為樂器者，必以律同為之本。

周禮攷工記：梓人為簨簠。

以縣樂器

鄭氏曰：橫者曰簨，飾之

以鱗屬。植者曰簠，飾之以羸屬。

周禮春官小胥：

正樂縣之位，王宮縣。

四面縣

諸侯軒縣。

三面縣

南卿大夫判縣。

二面縣

士特縣。

一面縣在東方或北方

凡縣鐘磬半

為堵全為肆

編鐘編磬各十六枚同在一簾謂之堵鐘一堵磬一堵謂之肆

儀禮大射儀樂人宿縣於阼階東笙磬西面其南笙鐘其

南鑄

鑄比大鐘而小

皆南陳

此東縣也

建鼓在阼階西南鼓

鼓面應鞀向南

在其東南鼓

此北縣也

西階之西頌磬東面其南鐘其南鑄皆

南陳一建鼓在其南東鼓朔鞀在其北

朔始也此西縣也

一建鼓

在西階之東南面蕩在建鼓之間

蕩蕭管之屬倚于堂此亦北縣

鼗倚於

頌磬西紘

西倚于編磬之紘此亦北縣

蓋諸侯軒縣之法也

葉氏夢得曰鐘磬

與歌聲相應者曰頌鐘頌磬與笙聲相應者曰笙鐘笙磬

朱子曰鐘磬有特縣者有編縣者其特縣者器大而聲

宏但於起曲畢曲之時奏之

所謂金聲玉振也

以為作止之節其



編縣者則聲器皆小可以雜奏於八音之間而不相凌也

熊氏朋來曰古者堂上樂皆受均於堂下之笙小雅言鼓瑟則曰吹笙是也堂下樂皆受均於堂上之磬商頌言嘒嘒管聲則曰依我磬聲是也鼓鐘詩言笙磬同音正以見堂上堂下之聲皆和也

國語周語伶州鳩曰大不踰宮細不<sup>過</sup>羽故樂器重者從細輕者從大是以金尚羽石尚角瓦絲尚宮匏竹尚議議從其調革木一聲金石以動之絲竹以行之匏以宣之瓦以贊之革木以節之陳氏祥道曰金重者也故尚羽絲輕者也故尚宮石輕於金而重于瓦絲故尚角匏竹無大細

之從故尚議草木無清濁之變故一聲

白虎通八音者法易八卦也 陳氏禮書八音所以直八卦而遂八風也坎音革而風廣莫艮音匏而風融震音竹而風明庶巽音木而風清明兌音金而風闐闐乾音石而風不周坤音瓦而風涼離音絲而風景

宋史楊氏傑曰金聲春容失之則重石聲溫潤失之則輕土聲函胡失之則下竹聲清越失之則高絲聲纖微失之則細革聲隆大失之則宏匏聲叢聚失之則長木聲無餘失之則短人稟中和之氣有中和之聲是以權量八音秦氏蕙田曰聲有五而音數八聲本於陽五氣之流行者

也故其數奇音麗於器而屬於陰八方之對待者也故其數偶

銘按八音中草木一聲不備五音土埴五孔不備二變而金石之編縣者有四清聲而無六變律匏雖另屬一器仍不外以竹為音然則能備十二律正變全半之聲者惟絲與竹耳然晉人有言絲不如竹竹不如肉則絲竹之先尤以人聲為貴矣

金音之屬

鐘

鐘大小方響

撞編鐘木

鐘制鐘圖

鐘律

鐸錫鐃鐸

鐘大小

書益稷笙鏞以間

蔡傳鏞大鏞也

周禮春官鐘師掌金奏註金謂鐘及鏞

爾雅釋樂大鐘謂之鏞其中謂之剽小者謂之棧疏鏞

大也剽者聲輕疾也棧淺也

國語周語伶州鳩曰細鈞有鐘無鐸昭其大也大鈞有鐸無鐘鳴其細也大昭小鳴和之道也陳氏禮書細鈞角徵也大鈞宮商也細必和之以大故有鐘無鐸大必和之

以細故有鐃無鐘則鐃小鐘耳儀禮鐃從鐃與錢鐃之鐃同江氏永周禮疑義序官鐃師鄭注鐃如鐘而大國語細鈞有鐘無鐃韋注鐘大鐘鐃小鐘當以鄭說為正大射儀東方笙鐘與笙磬並陳而鐃全在其南西方之鐃亦在頌鐘頌磬之南豈非笙鐘笙磬頌鐘頌磬為編懸而鐃為特懸與磬師掌教擊磬擊編鐘鐘師掌金奏鐃師掌金奏之鼓豈非登歌用編鐘金奏用鐃鐘鐘小者應人聲鐘大者應鼓聲與即國語伶州鳩之言亦是以鐃為大鐘其云細鈞有鐘無鐃昭其大也大謂金奏即細鈞之鐘若奏細鈞而兼用鐃鐘則鐃又大於鐘鐘聲為鐃所陵不得昭故

不用鑄所以使鐘聲之昭也大鈞有鑄無鐘兩大相配為宜若又甚大則鑄不可用用鑄則絲竹細聲為所抑如不鳴故亦不用鑄所以使絲竹之鳴也則鑄正是大鐘章注未細繹其言而誤解耳

### 編鐘

周禮磬師掌教擊編鐘 陳氏樂書十二辰之鐘大鐘也大鐘特縣詩書爾雅所謂鏞是也非十二辰之鐘則為編鐘十六枚周禮所謂編鐘是也 陳氏禮書鐘有不編者十二辰零鐘也豈惟十二零鐘哉堂上一磬一鐘蓋亦不編

儀禮大射儀樂人宿縣于阼階東其南笙鐘阼階之西其

南鐘鐘疑頌鐘蓋編鐘有笙鐘頌鐘之別

左傳鄭人賂晉侯歌鐘二肆歌鐘即頌鐘也

### 鐘制度

周禮攷工記鳧氏為鐘兩樂謂之鈇樂鈇一物俱鈇間謂

之于鐘唇上祛于上謂之鼓所擊鼓上謂之鉦居鐘之正中鉦上謂

之舞聲所震動于鼓舞上謂之甬甬如甬道之甬甬上謂之衡在

甬上平正不欹鐘縣謂之旋旋蟲謂之幹旋屬鐘柄以蟲

如環有盤旋之義其鐘帶謂之篆帶如衣帶之帶所以介

名曰幹有正固之義篆間謂之枚篆如篆刻之象鄭云篆間四處有

問凡四枚枚如篆刻之象鄭云篆間四處有

枚謂之景。鐘乳圓而有光故曰景。于上之攤謂之隧。攤徹也。所擊之  
日隧。隧如十分其銑。銑橫去二以為鉦。鉦橫八。經言鉦不  
亦當以其鉦為之銑間。銑間亦八。凡言間者。因鐘帶介之  
六。有紋去二分以為之鼓間。鼓間六。以其鼓間為之舞脩。脩  
亦六。鄭云。舞上下促。去二分以為舞廣。舞廣四。鄭云。鼓六  
以橫為脩。從為廣。去二分以為舞廣。舞廣四。鄭云。此鐘口  
十者其長。以其鉦之長為之甬長。以鉦長六為甬。以其甬  
長為之圓。甬圓參分其圓去一以為衡圓。衡圓四。衡在甬  
參分其甬長二在上。衡一在下。甬以設其旋。旋當甬之中  
下有一。薄厚之所震動。清濁之所由出。侈弇之所由興。有  
分也。說鐘已厚則石。無已薄則播。聲侈則柞。謂鐘口大則聲。柞  
聲無已薄則播。聲侈則柞。謂鐘口大則聲。柞 余



則鬱鐘口小長甬則震鐘掉則聲不正是故大鐘十分其鼓間以  
其一為之厚小鐘十分其鉦間此鉦間疑即指鉦以其一為之厚  
鐘大而短則其聲疾而短聞鐘小而長則其聲舒而遠聞  
為遂同六分其厚以其一為之深而圓之初鐸之時即深而圓之以擬擊也

周禮疑義鄭注計鉦徑銑間鼓間舞廣皆得之其云鉦間亦當六此鐘口十者其長十六則大誤也以經文詳之十分其銑之徑去二得八以為鉦之徑即以其鉦之徑八者為之銑間銑間者自鉦至銑之長包鼓間在其中也於八分中去二分以為之鼓間則鼓間得六其所去之二分即

是鉦間。下文言鉦之長言鉦間已藏此句中矣。鼓六鉦二舞廣四。是鐘口徑十者其長十二。奈何謂鉦六而長十六乎。經又言大鐘十分其鼓間。小鐘十分其鉦間。分明是鼓間大鉦間小。前不言鉦間者。去二分以為之。鼓間句可知也。帶當設於鼓之上。舞之下。二帶之間即鉦間。帶惟二耳。注謂帶在於鼓鉦舞之間。凡四非也。衡者甬之上端。非別有一物為衡。甬圍衡圍。自甬下端漸殺至上端。甬當二在上。一在下之處。猶粗大於此。穿孔設旋為宜。於上之據謂隧。按孟子追蠡。豐氏以鐘紐旋蟲釋之。本非定訓。焦疏謂當為槌擊之追。高子以禹樂用之者多。故凡槌擊

之處摧殘欲絕有如蟲齧之形此說近之愚謂追卽此所謂隧也以其室深謂之隧以其搥擊謂之追擊處本若擁蔽年久則愈深如蟲齧孟子以城門之軌轍迹深喻之正與隧之義合也

周禮春官典同凡聲高聲硯正聲緩下聲肆陂聲散險聲斂達聲羸微聲錯回聲衍侈聲侔弇聲鬱薄聲甄厚聲石

此節不專指鐘而鐘亦在內

李氏光地曰硯其聲鏗然清也錯暗也

侔暴疾也弇不舒也甄讀如震掉也高謂聲高也高則鏗鏘正謂聲平正也正則和緩下謂聲下也下則宏肆此三者聲之正也其餘則皆聲之病也然其諸病亦由三者推

之陂險皆正之反陂者聲不正也險者聲不平也不正則聲不根於內而散不平則聲不達於外而斂此二者正聲所以失之原也太高而四達其聲則盈溢太下而沉微或紆回其失則暗昧而衍餘達之甚而侈放則暴疾而不蓄回之甚而弇掩則鬱抑而不舒高而薄則至於震掉而不收下而厚則至於如石而無韻此七者皆高下之過必去其病然後清濁通均而諧和也

周禮考工記六分其金而錫居一謂之鐘鼎之齊

### 鐘律

呂氏春秋黃帝命伶倫與榮獲鑄十二鐘以和五聲以施

英韶

禮記明堂位垂之和鐘

世本云垂作鐘

尚書大傳天子左五鐘右五鐘天子將出則撞黃鐘右五鐘皆應入則撞蕤賓左五鐘皆應

各十二律

陳氏禮書典

同凡為樂器以十有二律為之度數單穆公曰先王之制鐘也大不出鈞重不過石律度量衡於是乎生則樂器待律然後制而律度又待鐘然後生故有十二辰之鐘以應十二月之律李氏光地曰古人造律又鑄鐘以象其聲國語所謂度律均鐘是也吳氏曰十二鐘之聲由律而起十二律之名則由鐘而得也

左定四分康叔以大呂名鐘分唐叔以姑洗名鐘

左昭二十一周景王將鑄無射名鐘伶州鳩曰夫音樂之興

也而鐘樂之器也小者不窕窕細大者不櫜櫜橫不入

國語周語景王將鑄無射而為之大林作無射而為大林以覆之其律中林

鐘也單穆公曰不可先王之制鐘也大不出鈞重不過石律

度量衡於是乎生故聖人慎之

左襄十九季武子以所得於齊之兵作林鐘名鐘而銘魯功

焉

致工記鳧人鄭註鼓六鉦六舞四此鐘口十者其長十六也鐘之大數以律為度廣長與圓假設之詞耳其鑄之則

各隨其鐘之制為長短大小也。陳氏禮書鄭氏以為鐘口十其長十六。凡樂器以十二律為之度数。若黃鐘之律九寸十六之而銑取其十以為度。則銑徑五寸有奇。鉦鼓舞之所居者遞去二分。則舞脩三寸有奇。舞廣二寸有奇。林鐘之律六寸十六之而銑取其十以為度。則銑徑三寸有奇。鉦鼓舞之所居者遞去二分。則舞脩二寸有奇。舞廣一寸有奇。餘律之鐘亦然。

考律緒言吳氏鼎曰。古人立樂必謂之鐘律。而十二律以鐘名者四。是律以鐘為重也。周禮鳧氏為鐘。厚薄清濁。夔侈各有度。春官大司樂有圓鐘。有函鐘。與同。凡為樂器以

十二律為之度數。疏樂器謂鐘也。此鐘必按律之証也。而其制度大小輕重厚薄舛侈之間。攷工雖言之而未詳。各律遞差之分。通典言子聲之鐘半於正聲。正聲之鐘倍於子聲。通志言鐘以律計。自倍半三分損益上下相生為正聲。子聲二十四鐘。唐殷盈孫案。鳧氏之法用算法乘除定鐘之輕重大小厚薄。其見於文而可考者如此。此可知鐘之律即用管律倍與半之法。而三分損益以為之差也。

### 鐸鐃鐃鐸

周禮地官鼓人掌教六鼓四金之音聲。以金鐸和鼓。鐸鐸以金鐃節鼓。鐃也。形如小鐘。以金鐃止鼓。鐃如鈴無舌。有以金



鐸通鼓鐸大鈴也

陳氏禮書鐸聲淳錡聲濁鈃聲高鐸聲明

聲淳則有所合故於鼓唱而和之聲濁則有所制故於鼓行而節之聲高則有所辨故於鼓退而止之聲明則有所交故於鼓作而通之考之於禮大司馬中春教振旅卒長執鐃兩司馬執鐸公司馬執錡中冬教大閱鼓人三鼓司馬振鐸車徒皆作鼓行鳴錡車徒皆行三鼓攬鐸攬按鐸口而振之車徒皆坐又鼓進鳴鐸車驟徒趨乃鼓退鳴鐃且卻遂以狩田是鐸以通鼓及其退也去錡而鳴鐃鐃之於兵雖無經見國語曰戰以鐃于丁寔鉦也則兵法固用鐃矣鄭康成曰鐃圓如碓頭上大下小樂作鳴之與鼓相應漢大予

樂有之

杜氏佑曰鐸于古禮器也宋時廣漢人段祖以鐸于獻其制高三尺六寸圓二尺四寸圓如簫也色黑甚薄上有銅馬以繩繫馬令去地尺餘灌之以水又以器盛水於下以芒當心跪注淳于以手震芒則其聲如雷周平蜀得之斛斯徵觀曰鐸于也

陳氏禮書司馬職軍行鳴鐸詩曰鉦人伐鼓國語曰鼓丁寧春秋傳曰射汰斬而著于丁寧說文曰鐸鉦也韋昭曰丁寧鉦也然則鉦也丁寧也皆鐸之異名陳氏樂書自其聲濁言之謂之鐸自其倣人言之謂之丁寧自其正人

言之謂之鉦其實一也

陳氏禮書說文曰鉦鏡也鏡小鉦也似鈴柄中上下通  
陳氏樂書大司馬卒長執鏡以其聲譙譙然故以鏡名之  
漢鼓吹曲有鏡歌所以退武舞也豈亦周之遺制歟蓋其  
小者似鈴有柄無舌執而鳴之以止鼓大者象鐘形薄旁  
有二十四銑宮縣用之飾以流蘇蓋應律音而和樂也  
陳氏禮書鄭康成許慎皆曰鐸大鈴也蓋鐸有金鐸木鐸  
金鐸舌以金木鐸舌以木金鐸振武事若司馬之振鐸提  
鐸是也木鐸振文事若書禮所言徇以木鐸是也晉荀氏  
得趙人牛鐸然後能諧樂則古人之為鐸獨鏡鐸施於聲

律皆有當也

### 方響


文獻通考梁有銅磬蓋今方響之類也方響以鐵為之脩八寸廣二寸方響一架十六枚具黃鐘大呂二均聲其編縣之次與雅樂鐘磬異下格以左為首其一黃鐘二太簇三姑洗四仲呂五蕤賓六林鐘七南呂八無射上格以右為首其一應鐘二黃鐘清三太簇清四姑洗清五中呂清六大呂七夷則八夾鐘教坊燕樂用焉非古制也

### 撞鐘木

陳氏禮書鐸鳴自內鐘鳴自外先儒謂撞鐘必以濡木以

其兩堅不能相和也。或曰：海中有巨魚曰鯨，巨獸曰蒲牢。蒲牢畏鯨，擊鯨則蒲牢大鳴。後世由是作蒲牢于鐘上，而狀鯨魚以撞之，欲其大鳴。張衡東京賦曰：發鯨魚，鏗華鐘。是也。然經無明文，其制不可以考。

# 鐘圖



石音之屬

磬

特磬

編磬

磬制

磬律

磬圖

特磬

書益稷夏擊鳴球

傳球玉磬

又夔曰予擊石拊石石磬

詩商頌那依我磬聲

禮記明堂位拊搏玉磬

陳氏樂書春秋時齊侯以玉磬

賂晉師止兵臧文仲以玉磬如齊告糴郊特牲言諸侯宮

縣而擊玉磬明堂位言四代樂器而拊搏玉磬則玉之於

石類也玉聲則出乎其類矣

明堂位叔之離磬

世本曰無句作磬皇氏謂無句叔之別名

陳氏禮書磬編

則雜離則特叔之離磬特懸之磬也

朱子文集樂有特

鐘特磬是首尾用者

所謂金聲玉振也

爾雅大磬謂之磬

書禹貢泗濱浮磬

傳水中見石可以為磬

陳氏禮書秦刻嶧山以

頌曰刻此樂石顏師古曰嶧山近泗水秦取泗濱石銘之故曰樂石

律呂正義昔人言磬有二玉磬在堂上石磬在堂下不知

古時凡石之美者皆以玉名書云夏擊鳴球又云擊石拊

石總歸於金聲玉振始終條理而已至於取材之地載於禹貢徐州則泗濱浮磬雍州則貢璆鐵銀鏤砮磬圖書編



謂泗濱磬聲下不和後世以華原所出易之則雍州之產也。延及近世多用靈壁石則仍徐州境也要之不必拘於所出。惟期應律諧聲不失古聖人制作之微意焉耳。

### 編磬

周禮春官磬師掌教擊磬

注磬亦編

陳氏樂書磬師掌教擊

磬擊編鐘言編鐘於磬師則知有編磬矣。爾雅言大以見小磬師言鐘以見磬大則特縣小則編縣。儀禮鼗倚於頌磬西紘則所謂紘者其編磬之繩歟。小胥凡縣鐘磬半為堵全為肆。鄭康成謂編縣之十六枚同在一簾謂之堵。鐘磬各一簾謂之肆。

儀禮大射儀樂人宿縣於阼階東笙磬西面西階之西頌磬東面

周禮春官眡瞭擊頌磬笙磬黃氏度曰升歌則擊頌磬笙入則擊笙磬陳氏樂書應笙之磬謂之笙磬應歌之磬謂之頌磬儀禮頌磬在西以西方為上所以貴人聲也笙磬在東以東方為下所以賤匏竹也言笙磬繼之以鐘鐃應笙之鐘鐃也笙師共笙鐘之樂是已言頌磬繼之以鐘鐃應歌之鐘鐃也左傳歌鐘二肆是已

### 磬制度

周禮攷工記磬氏為磬倨勾一矩有半鄭註必先度一矩為勾一矩為股而

求其弦既而以一矩有半觸其弦則磬之倨勾也其博為磬之制有大小此假矩以定倨勾非用其度耳其博為一也博謂股博股為二鼓為三註股磬之上大者鼓其參下小者所當擊者也分其股博去一以為鼓博參分其鼓博以其一為之厚註令磬股廣四寸半者股長九寸也註磬聲鼓廣三寸長尺三寸半厚一寸已上則摩其旁太厚則清也薄而廣則濁已下則摩其端短而厚則清也補註從橫成方是為一矩度兩對角徑隅註斜弦名不及一矩有半今以一矩有半為之徑隅則倨勾不中矩而成磬折矣

### 磬律

陳氏禮書鐘圓中規磬方中矩攷工記倨勾一矩有半觸

其弦也其博為一股博一律也股為二後長二律也鼓為三前長三律也按一律二律三律之說太泥股非所擊也短而博鼓其所擊也長而狹其小大長短雖殊而其厚均也按磬宜長薄異致工記言摩其旁則其厚未必均矣黃鐘之磬股鼓皆厚二寸則其餘推此可知矣

律呂正義宋林希逸考工記解載趙溥曰作磬依律長短前長三律二尺七寸後長二律一尺八寸此是黃鐘特垂之磬其餘皆依律起度倨勾一矩有半者以尺寸論之上邊倨勾處共四尺五寸則此下邊兩弦之間恰有三尺三寸七分半又謂為一為二為三是分作三節算分數博為

一謂股廣一律計九寸股為二謂股長二律計一尺八寸鼓為三謂鼓長三律計二尺七寸參分股博去一以為鼓博則鼓廣六寸參分鼓博以其一為厚則通上下其厚二寸此黃鐘磬餘皆以律準數按陳氏之說本此賈公彥疏曰凡樂器厚則聲清薄則聲濁太上是聲清故摩使薄薄則廣而濁太下是聲濁由薄薄不可使厚故摩使短短則形小形小則厚厚則聲清宋史載阮逸胡瑗制十二磬股長鼓博皆依律分別長短而又遞加厚薄長短之說非是又宋王洙言周禮註疏磬有大小據此以黃鐘為律依法造黃鐘特磬正得林鐘律聲又范鎮樂論曰臣所造編磬皆以周官磬氏

為法若黃鐘股之博四寸五分股長九寸鼓長一尺三寸五分鼓之博三寸而其厚一寸其弦一尺三寸五分十二磬各以其律之長而三分損益之此其率也今之十二磬長短厚薄皆不以律而欲求其聲不亦遠乎據范鎮之論制磬厚薄以律而長短仍以律矣厚薄說是長短說非案磬制考工記言之已詳奈註者未盡其蘊而制者又未按其理故施於用而未合存諸簡而無徵也夫倨勾一矩有半者倨之為言曲也禮記註微曲曰倨大曲曰勾蓋勾股之角直為大曲而磬之角鈍故微曲而為倨總之凡勾與股皆矩也矩之小者短為勾矩之大者長為股勾為二分股為三分

則股為勾之一矩又有半譬如小矩勾為一尺八寸則大矩股為二尺七寸勾之一尺八寸復加其半九寸非二尺七寸乎下文博為一股為二鼓為三正此意也博為濶廣先儒已解之博為一乃一分譬如勾為一尺八寸則博為九寸三分其股博去一以為鼓博者言股博為三分則鼓博為二分譬如股博為九寸則鼓博為六寸矣然首言博為一股為二鼓為三則所謂博者未分股博與鼓廣也今若以股博為股之半則鼓廣復去三分之一母乃太狹若以股博為鼓之半而鼓廣為股博三分之二則體制適合于宜原其故蓋因鼓脩大於股分懸之必偏一側惟鼓之

長者狹而股之短者反廣則輕重相稱懸之而無偏側之慮大矩以擊而言故謂之鼓而小矩反易名曰股此又見古人勾股之名蓋未嘗分大小也為一為二為三者一分二分三分之謂非一律二律三律之意也黃鐘之九寸三之為二尺七寸以為特磬則可矣若編磬十六枚而同縣一虞其能勝之乎



圖 磨

